


西漢會要

十一之四



漢書門			
二	四	二	五
冊	架	函	號
二〇	八〇	二〇	五

內閣文庫			
元	二	漢	
四	四	書	
函	二		
一	二		
五	〇		
架	冊	號	類

內閣文庫	
番號	漢 2425
冊數	20 ( 4 )
函號	294 24



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





西漢會要卷之十一

宋 徐 天 麟 撰

禮五 吉

祖宗配侑



孝文十六年起渭陽五帝廟祭泰一地祇以太祖高皇  
郊祀志  
王莽疏

孝武元鼎五年立太一祠于甘泉亦以高祖配同

元封四年祠泰一五帝于明堂上坐合高皇帝祠坐對

之 服虔曰時未以高祖配天故言對劉歆曰  
案王莽疏文帝已用高廟配矣何謂未乎



孝平元始四年郊祀高祖以配天宗祀孝文以配上帝

紀本

元始五年安漢公莽奏以正月上辛若丁天子親合祀

夫墜于南郊以高帝高后配以日冬至使有司奉祀南

郊高帝配日夏至使有司奉祭北郊高后配

郊祀志

總天神

高帝初或言周興而邑立后稷之祠至今血食天下子

是高祖制詔御史其令天下立靈星祠

張晏曰龍星左角日夫田制則

農祥也晨見而祭之

常以歲時祠以牛

郊祀志臣天麟案後漢志云古祀后稷而謂之靈星

者以后稷又

配食星也

孝武作泰一祠壇祭日以牛祭月以羊彘特朝朝日夕

夕月則揖而見泰一

郊祀志

元封三年夏旱令天下尊祠靈星焉

郊祀志

孝宣又立歲星辰星太白熒惑南斗祠于長安城旁成

山祠日萊山祠月又祠四時于瑯邪蚩尤于壽良

郊祀志

平帝元始五年王莽已奏復長安南北郊又言書曰類

于上帝禋于六宗歐陽大小夏侯三家說六宗皆曰上

不及天下不及地旁不及四方在六者之間助陰陽變



化實一而名六名實不相應禮記祀典功于施民則祀之天文日月星辰所昭仰也地里山川海澤所生殖也易有八卦乾坤六子水火不相逮雷風不相諄山澤通氣然後能變化既成萬物也臣前奏徙甘泉泰畤汾陰后土皆復于南北郊謹案周官兆五帝于四郊山川各因其方今五帝兆居在雍五畤不合于古又日月雷風山澤易卦六子之尊氣所謂六宗也星辰水火溝瀆皆六宗之屬也今或未特祀或無兆居謹與大師光大司徒宮羲和歆等八十九人議皆曰天子父事天母事地

今稱天神曰皇天上帝泰一兆曰泰畤而稱墜祇曰后土與中央黃靈仝又兆北郊未有尊稱宜令墜祇稱皇墜后祇兆曰廣畤易曰方以類聚物以羣分分羣神以類相從爲五部兆天墜之別神中央帝黃靈后土畤及曰廟北辰北斗填星中宿中宮于長安城之未墜兆東方帝太昊青靈勾芒畤及雷公風伯廟歲星東宿東宮于東郊兆南方炎帝赤靈祝融畤及熒惑星南宿南宮于南郊兆西方帝少皞白靈蓐收畤及太白星西宿西宮于西郊兆北方帝顓頊黑靈元冥畤及月廟雨師廟



辰星北宿北宮于北郊兆奏可于是長安旁諸廟兆時

甚盛矣

郊祀志

山川

始名山大川在諸侯諸侯祝各有奉祀天子官不領及

齊淮南國廢令大祝盡以歲時致禮如故

郊祀志

孝文十二年詔河湫漢水玉各加二

同上

十五年修名山大川嘗祀而絕者有司以歲時致禮

本紀

孝武建元元年詔曰河海潤千里其令祠官修山川之

祠為歲事曲加禮

本紀

元封元年上登封泰山用事八神八神者一曰天主祠

天齊天齊淵水居臨蓄郊南山下下者二曰地主祠泰

山梁父蓋天好陰祠之必于高山之下時命曰時地貴

陽祭必之于澤中園丘云三曰丘主祠蚩尤蚩尤在東

平陸監鄉齊之西境也四曰陰主祠三山五曰陽主祠

之采山六曰月主祠之萊山皆在齊北並勃海七曰日

主初盛山盛山斗入海最居齊東北陽以迎日出云八

曰四時主祠瑯琊瑯琊在齊東北蓋歲之所始

郊祀志

孝宣神爵三年制詔太常夫江海百川之大者也今闕



焉無祠其合祠官以禮為歲事以四瀆祠江海雒水折為天下豐年焉自是五嶽四瀆皆有常禮東嶽太山于博中嶽泰室于嵩高南嶽灃山于灃西嶽華山于華陰北嶽常山于上曲陽河于臨晉江于江都淮于平民濟于臨邑界中皆使者特節侍祠惟泰山與河歲五祠江水四餘皆一禱而三祠云又祠太室山于即墨三尸山于下密祠天封苑火井于鴻門又立歲星辰星太白熒惑南斗祠于長安城旁又祠三山八神于曲城蓬山石社石鼓于臨胸之栗山于膳成山于不夜萊山于黃成

山祠日萊山祠月郊祀志

高禱

武帝年二十九乃得太子甚憂為立禱使東方朔枚臯

為禱祝武五子傳

臘蜡

高祖十年有司請合縣官常以春二月及臘祠稷以羊

郊祀志漢舊儀云十二月歲事臘以亥日祠以太牢

孝武太初二年祠門戶比臘本紀師古曰冬至後臘祭百神

嚴延年母欲從延年臘本傳注云建丑之月為臘祭因會飲若今之蜡節也



藉田 親

文帝二年正月丁亥詔曰夫農天下之本也其開藉田

朕親率耕以給宗廟粢盛

本紀應邵曰古者天子耕藉田千畝藉者帝王典藉之常

也章昭曰藉借也民力以治之也臣贊曰藉謂蹈藉也師古曰贊說是也

文帝即位賈誼說上曰漢之為漢幾四十年矣公私之

積猶可哀痛今毆民而歸之農皆著于本使天下各食

其力未技游食之民轉而緣南畝則畜積足而民樂其

所矣于是上感誼言始開藉田躬耕以勸百姓

食貨志

十三年春二月甲寅詔曰朕親率天下農耕以供粢盛

皇后親桑以奉祭服其具禮儀

本紀

景帝後二年夏四月詔曰雕文刻鏤傷農事者也錦繡

纂組害女紅者也農事傷則飢之本也女紅害則害之

原也夫飢寒並至而能亡為非者寡矣朕親耕后親桑

以奉宗廟粢盛祭服為天下先欲天下務農蠶素有蓄

積以倫災害

本紀

武帝制曰朕親耕籍田以為農先

董仲舒傳

征和四年三月上耕于鉅定

本紀應邵曰齊國縣也

昭帝始元元年二月己亥上耕于鈞盾弄田

應邵曰時帝年九歲



未能親耕帝藉鉤盾官者近署故往試耕為戲弄也臣  
贊曰西京故事弄田在未央官中師古曰弄田謂游晏  
之田天子所戲弄耳非  
為昭帝年幼創有此名

六年春正月上耕于上林並本紀

雜錄

大司農屬官有籍田令丞百官表

繭館元后傳注師古曰漢官閣疏云  
上林苑有繭觀蓋蠶繭之所也

成帝建始四年谷永對曰皇后桑蠶以治祭服共事天

地宗廟正以是日疾風自西北大寒雨雪壞敗其功以

章不鄉謂曰宜齋戒避寢以深自責五行志

社稷

高祖初起禱豐枌榆社天下已定詔御史令豐治枌榆

社常以時春以羊彘祠之郊祀志

漢二年令民除秦社稷立漢社稷本紀郊祀志云  
令縣為公社

十年春有司請令縣常以春二月及臘祠稷以羊彘民

里社各自裁以祠制曰可郊祀志

武帝立子闕為齊王策曰受茲青社立子曰為燕王策

曰受茲元社立子壻為廣陵王策曰受茲赤社楮先生

曰諸侯王始封者必受土于天子之社歸立之以為國



社以歲時祠之春秋大傳曰天子之國有泰社東方青南方赤西方白北方黑上方黃故將封于東者取方青土封于南方者取赤土封于西方者取白土封于北方者取黑土封于上方者取黃土各取其色物裸以白茅封以為社此始受封于天子者也此之為主土主土者立社而奉之也

史紀三王世家

平帝元始三年王莽言帝王建立社稷百王不易社者土也宗廟王者所居稷者百穀之主所以奉宗廟共粟盛人所食以生活也王者莫不尊重親祭自為之主禮

如宗廟詩曰乃立冢土又曰以御田祖以祈甘雨禮記

曰維祭宗廟社稷為越紼而行事聖漢興禮儀稍定已

有官社未立官稷臣瓚曰高帝除秦社稷立漢社稷禮所謂大社也時又立官社配以夏禹

所謂王社也見漢祀令而未立官稷至此始立之世祖中興不立官稷相承至今也遂于官社後

立官稷以夏禹配食官社后稷配食官稷稷種穀樹徐

州牧歲貢五色土各一斗郊祀志又案平紀師古曰初立官稷于官社之後是為一

處今更創置建于別所不相從也

雜錄

欒布為燕相燕齊之間皆為立社號曰欒公社本傳



昌邑有枯社木卧復生

睦宏傳師古曰社木社主之樹也

建昭五年兗州刺史浩賞禁民私立社山陽橐茅鄉社有大槐吏伐斷之其夜槐復立其故處

五行志

### 明堂

文帝時賈山言願以夏歲二月定明堂

本傳

武帝建元元年議立明堂遣使者安車蒲輪束帛加璧迎魯申公上卿儒術招賢良趙綰王臧等以文學為公卿欲議古立明堂城南以朝諸侯事未就竇太后不好儒術使人微伺趙綰等姦利案綰臧綰臧自殺諸興為

皆廢

以本紀及郊祀志修

趙綰王臧請立明堂以朝諸侯不能就其事乃言師申公于是上使使束帛加璧安車以蒲裴輪駕駟迎申公弟子二人乘軺傳從至舍魯邸議明堂事大喜竇太后喜老子言不說儒術得綰臧之過以責上上因廢明堂

事

申公傳

元封元年登封泰山降坐明堂

本紀臣瓚曰泰山東北趾古時有明堂處則此

所坐者也明年乃作明堂耳

元封二年作明堂于泰山下初天子封泰山泰山東北



趾古時有明堂處處險不做上欲治明堂奉高旁未曉其制度濟南人公玉帶上黃帝時明堂圖明堂中有一殿四面無壁以茅蓋通水水圍宮垣為復道上有樓從西南入名曰昆侖天子從之入以拜祀上帝焉于是上令奉高作明堂汶上如帶圖及是歲脩封則祠泰一五帝于明堂上坐合高皇帝祠坐對之祠后土于下房以二十大牢天子從昆侖道入始拜明堂如郊禮畢祭堂下而上以本紀及郊祀志修元封五年三月甲子祠高祖于明堂以配上帝本紀

太初元年行幸泰山以十一月甲子朔旦冬至日祀上帝于明堂後每脩封其贊饗曰天增授皇帝泰元神策

周而復始皇帝敬拜泰一郊祀志

天漢三年三月行幸泰山祀明堂因受計還本紀

太始四年三月行幸泰山壬午祀高祖于明堂以配上

帝因受計癸未祀孝景皇帝于明堂本紀

平帝元始四年正月宗祀孝文以配上帝二月王莽奏

立明堂本紀應邵曰明堂所以正四時出教化明堂一圖下八方憲四達布政之官國之陽上八憲法八風四達法四時九室法九州十二重法十二月三十六旬戶法三十六七十二牖法七十二風孝經曰宗祀



文王于明堂以配上帝帝謂古時帝太昊之屬  
黃帝曰合宮有虞曰總章商曰陽館周曰明堂

五年正月祫祭明堂諸侯王二十八人列侯百二十八人

宗室子九百餘人召助祭禮畢皆益戶賜爵及金帛增

秩補吏各有差義和劉歆等四人使治明堂羣靡合漢

與文王臺周公作洛同符皆封為列侯 本紀案功臣表  
平晏劉歆孔永

孫迂使治明堂辟雍得

萬國歡心侯各千戶

西漢會要卷之十二

宋 徐 天 麟 撰

禮六 吉禮

宗廟

太上皇廟

三輔皇圖云在長安西北長安故城中香室  
街南鴻翔府北關輔記云在酒池北

孝元永光五年毀 建昭五年復

竟寧元年五月毀 孝成河平元年復世世

奉祠

高廟

三輔皇圖高祖廟在長安西北故城中漢舊儀云  
高廟蓋地六頃三十畝四步祠日立九旒堂下撞



千石鐘十枚  
聲聞百里

孝惠尊高廟為太祖廟 韋元成傳

孝景元年申屠嘉等奏世功莫大于高皇帝宜為帝

者太祖之廟天子宜世世獻制曰可 紀

孝惠廟 三輔皇圖云惠帝廟在高廟後

元帝永光五年毀 竟寧元年三月復

五月毀

孝文廟 三輔黃圖云文帝廟在長安城南

四年作顧成廟 本紀應邵曰文帝自為廟制度卑狹若顧望而成故曰顧成

孝景元年申屠嘉等奏德莫盛于孝文皇帝宜為帝

者太宗之廟制曰可 紀

孝景廟 西京故事景帝廟號德陽

中元四年三月起德陽宮 本紀臣贊曰帝自戶之諱不言廟故言宮

元帝竟寧元年毀

孝武廟 文紀注武帝廟號龍淵三輔黃圖龍淵廟在茂陵東

元光三年起龍淵宮 紀本

宣帝本始二年詔尊孝武廟為世宗廟天子世世獻

紀本



哀帝即位孔光與羣臣雜議孝武皇帝雖有功烈親盡宜毀劉歆議曰孝宣皇帝既以為世宗之廟建立萬世不宜毀上覽其議制曰歆議可

韋元成傳

孝昭廟

文紀注云昭帝廟號徘徊

悼皇考廟

宣帝元康元年立皇考廟

本紀

元帝永光五年定迭毀禮韋元成奏皇考廟親未盡不宜毀至平帝元始中王莽奏皇考廟本不當立請毀勿修奏可

韋元成傳

孝宣廟

文紀注云皇帝廟號樂游三輔黃圖云在杜陵西北

平帝元始四年尊孝宣廟為中宗天子世世獻祭

本紀

孝元廟

文紀注云元帝廟號長壽

平帝元始四年尊孝元廟為高宗天子世世獻祭

本紀

孝成廟

三輔黃圖云成帝廟號陽池

哀帝建平二年立共皇廟于京師

本紀

共皇帝廟



平帝即位隳廢共皇廟師丹傳

孝哀廟

孝平廟

京師自高祖至宣帝與太上皇悼皇考各自居陵旁立

廟韋元成傳

孝景元年十月詔曰蓋聞古者祖有功而宗有德制禮

樂各有由歌者所以發德也舞者所以明功也高廟酌

奏武德文始五行之舞孝惠廟對酌奏文始五行之舞

孝文皇帝臨天下通關梁不異遠方除誹謗去肉刑賞

賜長老收恤孤獨以遂羣生減耆欲不受獻罪人不帑

不誅無罪不私其利也除宮刑出美人重絕人之世也

朕既不敏勿能勝識此皆上世之所不及而孝文皇帝

親行之德厚侔天地利澤施四海靡不獲福明象乎日

月而廟樂不稱朕甚惧焉其為孝文皇帝廟為昭德之

舞以明休德然后祖宗之功德施于萬世永永無窮朕

甚嘉之其與丞相列侯中二千石禮官具禮儀奏丞相

臣嘉等奏曰陛下永思孝道立昭德之舞以明孝文皇

帝之盛德皆臣嘉等愚所不及臣謹議世功莫大于高



皇帝德莫甚于孝文皇帝高皇帝廟宜爲帝者太祖之廟孝文皇帝廟宜爲帝者太宗之廟天子宜世世獻祖宗之廟羣國諸侯宜各爲孝文皇帝立太宗之廟諸侯王列侯使者侍祠天子所獻祖宗之廟請宣布天下制

曰可

本紀

宣帝初卽位欲褒先帝詔丞相御史曰朕以眇身蒙道德承聖業奉宗廟夙夜惟念孝武皇帝躬仁諒厲威武北征匈奴單于遠遁南平氐羗昆明甌駱兩越東定蕞貉朝鮮廊地斥境立羣縣百蠻率服欵塞自至珍貢陳

于宗廟協音律造樂歌薦上帝封泰山立明堂改正朔易服色明開聖緒尊賢顯功興滅繼絕褒周之後備天地之禮廣道術之路上天報况符瑞並應寶鼎出白麟獲海效鉅魚神人並見山稱萬歲功德茂盛不能盡宣而廟樂未稱朕甚悼焉其與列侯二千石博士議于是羣臣大議廷中皆曰宜如詔書長信少府夏后勝獨曰武帝雖有攘四夷廣土斥境之功然多殺士衆竭民財力奢泰亡度天下虛耗百姓流離物故者過半蝗虫大起赤城數千里或人民相食蓄積至今未復亡德澤于



民不宜爲立廟樂公卿共難勝曰此詔書也勝曰詔書不可用也人臣之諛宜直言正論非苟阿意順指議已出口雖死不悔于是丞相義御史大夫廣明劾奏勝非議詔書毀先帝不道及丞相長史黃霸阿縱勝不舉劾俱下獄有司遂請尊孝武帝廟爲世宗廟奏盛德文始五行之舞天子世世獻納以明盛德武帝巡狩所幸羣國凡四十有九皆立廟如高帝太宗焉

夏侯勝傳

哀帝已追尊定陶共王爲共皇帝郎中令冷褒黃門郎段猶等復奏言宜爲共皇立廟京師上復下其議有司皆以爲宜如褒猶言師丹獨議曰禮父爲士子爲天子祭以天子其尸服以士服子亡爵父之義尊父母也爲人後者爲之子故爲所後服斬衰三年降其父母菴明尊本祖而重正統也孝成皇帝聖恩深遠故爲共皇立後奉承祭祀令共皇長爲一國太祖萬世不毀恩義已備陛下能繼體先帝持重大宗承宗廟天地社稷之祀義不得復奉定陶共皇祭入其廟今欲立廟于京師而使臣下祭之是無主也又親盡當毀空志一國太祖不墮之祀而就無主當毀不正之禮非所以尊厚共皇也



丹由是浸不合上意建平二年遂立共皇廟于京師平  
帝即位王莽白太后隳廢共皇廟諸造議冷褒段猶等  
皆徙合浦師丹傳

雜錄

奉常掌宗廟禮儀景帝更名太常百官表

惠帝即位徙叔孫通為奉常定宗廟儀法叔孫通傳

高后時患臣下妄非議先帝宗廟寢園官故定著令敢  
有擅議者棄市至元帝改制蠲除此令成帝時以無繼  
嗣又復擅議宗廟之令韋元成傳臣天麟案貢禹建迭毀之議乃在元帝刪除此令時

人有盜高廟座前玉環得文帝怒下廷尉治案盜宗廟  
服御物者為奏當棄市上大怒曰人亡道乃盜先帝器  
吾屬廷尉者欲致之族而君以法奏之非吾所以共承  
宗廟意也釋之謝曰法如是足矣今盜宗廟器而族之  
有如萬分一假令愚民取長陵一抔土陛下且何以加  
其法乎文帝與太后言之乃許廷尉張釋之傳  
內史府居太上廟墼中門東出不便晁錯乃穿門南出  
鑿廟墼垣丞相大怒為奏請誅錯景帝曰此非廟垣乃  
墼中垣不致于法晁錯傳



臨江王榮坐侵太宗廟地召詣中尉自殺景帝中二年

元鼎二年廣阿侯任越人為太常坐廟酒酸不敬國除

功臣表百官表作廣安非

元封三年鄼侯蕭壽成坐為太常犧牲瘦死表

太初三年石德為太常三年坐廟牲瘦入穀贖論百官表

後元元年御史大夫商邱成坐為詹事侍祠孝文廟醉

歌堂下日出居安能鬱鬱大不敬自殺功臣表

二年魏不害為太常六年坐孝文廟風發瓦免表

始元六年江德坐為太常廟廊夜飲失火免表

甘露元年高平侯魏宏坐酎宗廟至騎司馬門不敬削

爵一級為關內侯恩澤侯表

又博陽侯丙顯坐酎宗廟騎至司馬門不敬奪爵一級

為關內侯恩澤侯表

四月丙申太上皇廟火甲辰孝文廟火上素服五日本紀

韋宏為太常丞職奉宗廟典諸陵邑煩劇多罪過父賢

以宏當為嗣故勅令自免宏懷謙不去官竟坐宗廟事

繫獄韋元成傳

韋元成以列侯侍祀孝惠廟當晨入廟天雨淖不駕駟



馬車而騎至廟下有司劾奏等輩數人皆削爵為關內

侯本傳

宣帝時八月飲酎行祠孝昭廟先毆旄頭劔挺墮墜首

垂泥中双鄉乘輿車馬驚于是召梁邱賀筮之有兵謀

不吉上遣使有司侍祠是時霍氏外孫代郡太守任宣

坐謀反誅宣子章為公車丞亡在渭城界中夜元服入

廟居廊閒執戟立廟門待上至欲為逆發覺伏誅故事

上常夜入廟其後待明而入自此始也

梁邱賀傳

霍山曰丞相擅滅宗廟羔菟鼃可以此罪也

霍光傳師古曰羔菟鼃

龍所以供祭也

高廟僕射

王莽傳上哀章持金匱至高廟以付僕射

原廟

惠帝為東朝長樂宮及閒往數蹕煩民作復道方築武

庫南叔孫通奏事因請問曰陛下何自築復道高帝寢

衣冠月出游高廟子孫奈何乘宗廟道上行哉惠帝懼

曰急壞之通曰人主無過舉今已作百姓皆知之矣願

陛下為原廟渭北衣冠月出游之益廣宗廟大孝之本

上乃詔有司立原廟

叔孫通傳臣天麟案漢舊儀云原廟一歲十二祠閏加一祠月薦衣



冠以廟餽  
食之日

元帝罷原廟 年月未詳

建昭五年復原廟 本紀

羈國廟

高祖十年令諸侯王皆立太上皇廟于國都 本紀

孝惠即位令郡諸侯各為孝文皇帝立太宗之廟 本紀

孝武建元六年遼東高廟災董仲舒曰高廟不當居遼

東 五行志

孝宣本始二年令武帝巡狩所幸之郡國皆立廟 本紀

四年地震北海瑯琊壤祖宗廟上以宗廟墮素服避正

殿五日 本紀

元帝初元二年地震于隴西郡毀落太上皇廟殿壁木

飾 本紀

比祖宗廟在郡國者六十八合百六十七所 韋元成傳師古曰六

十八者郡國之數也百六十七所宗廟之數也

永光四年罷祖宗廟在郡國者 本紀詳見廟議



西漢會要卷十三

宋 徐 天 麟 撰

禮七 吉禮

廟議

初高帝時令諸侯王都皆立太上皇廟至惠帝尊高帝廟為太祖廟景帝尊文帝廟為太宗廟行所嘗幸郡國各立太祖太宗廟至宣帝本始二年復尊孝武廟為世宗廟行所巡狩亦立焉凡祖宗廟在郡國六十八合百六十七所而京師自高祖下至宣帝與太上皇悼皇考



各自居陵旁立廟并爲百七十六又園中各有寢便殿  
日祭于寢月祭于廟時祭于便殿寢日四上食廟歲二  
十五祠便殿歲四祠又月一游衣冠而昭靈后武哀王  
昭哀后孝文太后孝昭太后衛思后戾太子戾后各有  
寢園與諸帝合凡三十所一歲祠上食二萬四千四百  
五十五用衛士四萬五千一百二十九人祝宰樂人萬  
二千一百四十七人犧牲卒不在數中至元帝時貢禹  
奏言古者天子七廟今孝惠孝景廟皆親盡宜毀及郡  
國廟不應古禮宜正定天子是其議未及施行而禹卒  
永光四年乃下詔先議罷郡國廟曰朕聞明王之御世  
也遭時爲法因事制宜往者天下初定遠方未賓因嘗  
所親以立宗廟蓋建威鎖萌一民之至權也今賴天地  
之靈宗廟之福四方同軌蠻貊貢職久遵而不定合疏  
遠卑賤共承尊祀殆非皇天祖廟之意朕甚懼焉傳不  
云乎我不與祭如不祭其與將軍列侯中二千石二千  
石諸大夫博士議郎議丞相元成御史大夫鄭宏太子  
太傅嚴彭祖少府歐陽地餘諫大夫尹更始等七十人  
皆曰臣聞祭非自外至者也繇中出生于心也故惟聖



人爲能饗帝孝子爲能饗親立廟京師之居躬親承事四海之內各以其職來助祭尊親之大義五帝三王所共不易之道也詩云有來雍雍至止肅肅相維辟公天子穆穆春秋之義父不祭于支庶之宅君不祭于臣僕之家王不祭于下土諸侯臣等愚以爲宗廟在郡國宜無修臣請勿復修奏可因罷昭靈后武哀王昭哀后衛思后戾太子戾后園皆不奉祠裁置吏卒守焉罷郡國廟後月餘復下詔曰蓋聞明王制禮立親廟四祖宗之廟萬世不毀所以明尊祖敬宗著親親也朕獲承祖宗之重惟大禮未備戰慄恐懼不敢自顯其與將軍列侯中二千石二千石諸大夫博士議元成等四十四人奏議曰禮王者始受命諸侯始封之君皆爲太祖以下五廟而迭毀毀廟之主臧乎太祖五年而再殷祭言一禘一祫也祫祭者毀廟與未毀廟之主皆合食于太祖父爲昭子爲穆孫復爲昭古之正禮也祭義曰王者禘其祖自出以其祖配之而立四廟言始受命而王祭天以其祖配而不爲立廟親盡也立親廟四親親也親盡而迭毀親疏之殺示有終也周之所以七廟者以后稷始



封文王武王受命而王是以三廟不毀與親廟四而七  
非有后稷始封文武受命之功者皆當親盡而毀成王  
成二聖之業制禮作樂功德茂盛廟猶不世以行爲諡  
而已禮廟在大門之內不敢遠親也臣愚以爲高帝受  
命定天下宜爲帝者太祖之廟世世不毀承後屬盡者  
宜毀今宗廟異處昭穆不序宜入就太祖廟而序昭穆  
如禮太上皇孝惠孝文孝景廟皆親盡宜毀皇考廟親  
未盡如故大司馬車騎將軍許嘉等二十九人以爲孝  
文皇帝除誹謗去肉刑躬節儉不受獻罪人不帑不私  
其利出美人重絕人類賓賜長老收恤孤獨德厚侔天  
地利澤施四海宜爲帝者太宗之廟廷尉忠以爲孝武  
皇帝改正朔易服色攘四夷宜爲世宗之廟諫大夫尹  
更始等十八人以爲皇考廟上序于昭穆非正禮宜毀  
于是上重其事依違者一年乃下詔曰蓋聞王者祖有  
功而宗有德尊尊之大義也存親廟四親親之至厚恩  
也高皇帝爲天下誅暴除亂受命而帝功莫大焉孝文  
皇帝國爲代王諸呂作亂海內搖動然羣臣黎庶靡不  
一意北面而歸心猶謙辭固遜而後卽位削亂秦之迹



興三代之風是以百姓晏然咸獲嘉福德莫甚焉高皇帝爲漢太祖孝文皇帝爲太宗世世承祀傳之無窮朕甚樂之孝宣皇帝爲孝昭皇帝後于義一體孝景皇帝廟及皇考廟皆親盡其正禮儀元成等奏曰祖宗之廟皆世世不毀繼祖以下五廟而迭毀今高皇帝爲太祖孝文皇帝爲太祖孝景皇帝爲昭孝武皇帝爲穆孝昭皇帝與孝宣皇帝俱爲昭皇考廟親未盡太上孝惠廟皆親盡宜毀太上廟主宜瘞園孝惠皇帝爲穆主遷于太祖廟寢園皆無復修奏可議者又以爲清廟之詩言

交神之禮無不清靜今衣冠出游有車騎之衆風雨之氣非所謂清靜也祭不欲數數則瀆瀆則不敬宜復古禮四時祭于廟諸寢園日月間祀皆可勿復修上亦不改也明年元成復言古者制禮別尊卑貴賤國君之母非適不得配食則薦于寢身沒而已陛下躬至孝承天心建祖宗定迭毀序昭穆大禮既定孝文太后孝昭太后寢祠園宜如禮勿復修奏可後歲餘元成薨匡衡爲丞相上寢疾夢祖宗譴罷郡國廟上少弟楚孝王亦夢焉上詔問衡議欲復之衡深言不可上疾久不平衡惶



恐禱高祖孝文孝武廟曰嗣曾孫皇帝恭承洪業夙夜不敢康寧思育休烈以章祖宗之盛功故動作接神必因古聖之經往者有司以爲前一因所幸而立廟將以繫海內之心非爲尊祖嚴親也今賴宗廟之靈六合之內莫不附親廟宜一居京師天子親奉郡國廟可止毋修皇帝祇肅舊禮尊重神明卽告于祖宗而不敢失今皇帝有疾不豫乃夢祖宗見戒以廟楚王夢亦有其序皇帝悼懼卽詔臣衡復修立謹按上世帝王承祖禰之大義皆不敢不自親郡國吏卑賤不可使獨承又祭禋之義以民爲本閒者歲數不登百姓困乏郡國廟無以修立禮凶年則歲事不舉以祖禰之意爲不樂是以不敢復如誠非禮義之中違祖宗之心咎盡在臣衡當受其殃大被其疾墜在溝瀆之中皇帝至孝肅謹宜蒙祐福惟高皇帝孝文皇帝孝武皇帝省察右享皇帝之孝開賜皇帝眉壽亡疆合所疾日瘳乎復反常永保宗廟天下幸甚又告謝毀廟曰往者大臣以爲在昔帝王承祖宗之休典取象于天地天序五行人親五屬天子奉天故率其意而尊其制是以禘嘗之序靡有過五受命之



君躬接于天萬世不隳繼烈以下五廟而遷上陳太祖  
間歲而禘其道應天故福祿永終太上皇非受命而屬  
盡義則當遷又以為孝莫大于嚴父故父之所尊子不  
敢不承父之所異子不敢同禮公子不得為母信為後  
則于子祭于孫止尊祖嚴父之義也寢曰四上食園廟  
間祠皆可亡修皇帝思慕悼懼未敢盡從惟念高皇帝  
聖德茂盛受命溥將欽若稽古承順天心子孫本支陳  
錫亡疆誠以為遷廟合祭久長之策高皇帝之意乃敢  
不聽即以今日遷太上孝惠廟孝文太后孝昭太后寢  
將以昭祖宗之德順天人之序定亡窮之業今皇帝未  
受茲福乃有不能供職之疾皇帝願復修立承祀臣衡  
等咸以為禮不得如不合高皇帝孝惠皇帝孝文皇帝  
孝武皇帝孝昭皇帝孝宣皇帝太上皇孝文太后孝昭  
太后之意罪盡在臣衡等當受其咎今皇帝尚未平詔  
中朝臣具復毀廟之文臣衡中朝臣咸復以為天子之  
祀義有所斷禮有所承違統背制不可以奉先祖皇天  
不祐鬼神不享六藝所載皆言不當無所依緣以作其  
文事如失指罪乃在臣衡當深受其殃皇帝宥厚蒙祉



西漢書要 卷三  
福嘉氣日興疾病平復永保宗廟與天亡極羣生百神有所歸息諸廟皆同文久之土疾連年遂盡復諸所罷寢園廟皆修祀如故初上定迭毀禮獨尊孝文廟爲太宗而孝武廟親未盡故未毀上于是乃復申明之曰孝宣皇帝尊孝武廟曰世宗損益之禮不敢有與焉他皆如舊制惟郡國廟遂廢云元帝崩衡奏言前以上體不平故復諸所罷祠卒不蒙福按衛思后戾太子戾后園親未盡孝惠孝景廟親盡宜毀及太上皇孝文孝昭太后昭靈后昭哀后武哀王祠諸悉罷勿奉奏可初高后時患臣下妄非議先帝宗廟寢園官故定著令敢有擅議者棄市至元帝改制蠲除此合成帝時以無繼嗣河平元年復復太上皇寢廟園世世奉祠昭靈后武哀王昭哀后并食于太上寢廟如故又復擅議宗廟之合成帝崩哀帝帝位丞相孔光大司空何武奏言永光五年制書高皇帝爲漢太祖孝文皇帝爲太宗建昭五年制書孝武皇帝爲世宗損益之禮不敢有與臣愚以爲迭毀之次當以時定非合所謂擅議宗廟之意也臣請以羣臣雜議奏可于是光祿勳彭宣詹事滿昌博士左咸



等五十三人皆以爲繼祖宗以下五廟而迭毀後雖有  
賢君猶不得與祖宗並列子孫雖欲褒大顯揚而立之  
鬼神不享也孝武皇帝雖有功烈親盡宐毀太僕王舜  
中壘校尉劉歆議曰臣聞周室旣衰四夷並侵獫狁最  
強于今匈奴是也至宣王而伐之詩人美而頌之曰薄  
伐獫狁至于太原又曰嘽嘽推推如霆如雷顯允方叔  
征伐獫狁蠻荆來威故稱中興及至幽王犬戎來伐殺  
幽王取宗噐自是之後南夷與北夷交侵中國不絕如  
綫春秋紀齊威南伐楚北伐山戎孔子曰微管仲我其  
被髮左衽矣是故棄威之過而錄其功以爲伯首及漢  
興冒頓始強破東胡禽月氏并其土地地廣兵強爲中  
國害南越尉佗總百粵自稱帝故中國雖平猶有四夷  
之患且無寧歲一方有急三面救之是天下皆動而被  
其害也孝文皇帝厚以貨賂與結和親猶侵暴無已甚  
者興師十餘萬衆近屯京師及四邊歲發屯備虞其爲  
患久矣非一世之漸也諸侯郡守連匈奴及百粵以爲  
逆者非一人也匈奴所殺郡守都尉略取人民不可勝  
數孝武皇帝愍中國罷勞無安寧之時遣大將軍驃騎



伏波樓船之屬南滅百越起七郡北攘匈奴降昆邪十萬之衆置五屬國起朔方以奪肥其饒之地東伐朝鮮起元菟樂浪以斷匈奴之左臂西伐大宛并三十六國結烏孫起敦煌酒泉張掖以鬲婁羗裂匈奴之右肩單于孤特遠道于幕北四垂無事斥地建境起十餘郡功業既定乃封丞相爲富民侯以大安天下富實百姓其規撫可見又招集天下賢俊與協心同謀興制度改正朔易服色立天地之祠建封禪殊官號存周後定諸侯之制永無逆爭之心至今累世賴之單于守藩百蠻服從萬世之基也中興之功未有高焉者也高帝建大業爲太祖孝文皇帝德至厚也爲文太宗孝武皇帝功至著也爲武世宗此孝宣帝所以發德音也禮記王制及春秋穀梁傳天子七廟諸侯五大夫三士二天子七日而殯七月而葬諸侯五日而殯五月而葬此喪事尊卑之序也與廟數相應其文曰天子三昭三穆與太祖之廟而七諸侯二昭二穆與太祖之廟而五故德厚者流光德薄者流卑春秋左氏傳曰名位不同禮亦異數自上以下降殺以兩禮也七者其正法數可常數者也宗



不在此數中宗變也苟有功德則宗之不可預爲設數  
故于殷太甲爲太宗太戊曰中宗武丁曰高宗周公爲  
毋逸之戒舉殷三宗以勸成王繇是言之宗無數也然  
則所以勸帝者之功德博矣以七廟言之孝武皇帝未  
宜毀以所宗言之則不可謂無功德禮記祀典曰夫聖  
王之制祀也功施于民則祀之以勞定國則祀之能救  
大災則祀之竊觀孝武皇帝功德皆兼而有焉凡在于  
異姓猶將特祀之况于先祖或說天子五廟無見文又  
說中宗高宗者宗其道而毀其廟名與實異非尊德貴  
功之意也詩云蔽芾甘棠勿翦勿伐召伯所茇思其人  
猶愛其樹况宗其道而毀其廟乎迭毀之禮自有常法  
無殊功異德固以親疎相推及至祖宗之序多少之數  
經傳無明文至尊至重難以疑文虛說定也孝宣皇帝  
舉公卿之議用衆儒之謀旣以爲世宗之廟建之萬世  
宣布天下臣愚以爲孝武皇帝功烈如彼孝宣皇帝崇  
立之如此不宜毀上覽其議而從之制曰太僕舜中壘  
校尉歆議可歆又以爲禮去事有殺故春秋外傳曰日  
祭月祀時享歲貢終王祖禰則日祭會高則月祀二禘



則時享壇墠則歲貢大禘則終王德盛而游廣親親之  
殺也彌遠則彌尊故禘爲重矣孫居王父之處正昭穆  
則孫常與祖相代此遷廟之殺也聖人于其祖出于情  
矣禮無所不順故無毀廟白貢禹建迭毀之議惠景及  
太上寢園廢而爲虛失禮意矣至平帝元始中大司馬  
王莽奏本始元年丞相義等議謚孝宣皇帝親曰悼園  
置邑三百家至元康元年丞相等奏父爲士子爲天  
子祭以天子悼園宜稱尊號曰皇考立廟益故奉園民  
滿千六百家以爲縣臣愚以爲皇考廟本不當立累世  
奉之非是又孝文太后南陵孝昭太后雲陵園雖前以  
禮不復修陵名未正謹與大司徒晏等百四十七人議  
皆曰孝宣皇帝以兄孫繼統爲孝昭皇帝後以數故孝  
元世以孝景皇帝及皇考廟親未盡不毀此兩統貳父  
違于禮制案義奏親諡曰悼裁置奉邑皆應經義相奏  
悼園稱皇考立廟益民爲縣違離祖統乖謬本義父爲  
士子爲天子者乃謂若虞舜夏禹殷湯周文漢之高祖  
受命而王者也非謂繼祖統爲後者也臣請皇高祖考  
廟奉明園毀勿修罷南陵雲陵爲縣奏可

韋元成傳



元帝時韋元成爲丞相奏罷太上皇寢廟園平當上書  
言臣聞孔子曰如有王者必世而後仁三十年之間道  
德和洽制禮興樂災害不生禍亂不作今聖漢受命而  
王繼休承業二百餘年孜孜不怠政合清矣然風俗未  
和陰陽未調災害數見意者大本有不立歟何德化休  
徵不應之久也禍福不虛必有因而至者焉宜深迹其  
道而務修其本昔者帝堯南面而治先克明俊德以親  
九族而化及萬國孝經曰天地之性人爲貴人之行莫  
大于孝孝莫大于嚴父嚴父莫大于配天則周公其人

也夫孝子善述人之志周公既成文武之業而制作禮  
樂修嚴父配天之事知文王不欲以子臨父故推而序  
之上及于后稷而以配天此聖人之德亡以加于孝也  
高皇帝聖德受命有天下尊太上皇猶周文武之追王  
太王王季也此漢之始祖後嗣所宜尊奉以廣盛德孝  
之至也書云正稽古建功立事可以永年傳于亡窮上  
納其言下詔復太上皇寢廟園

平當傳



西漢會要卷十四

宋 徐 天 麟 撰

禮八 吉禮

廟祭

京師自高祖下至宣帝與太上皇悼皇考各自居陵旁立廟又園中各有寢便殿日祭于寢月祭于廟時祭于

便殿寢日四上食廟歲二十五祠

如淳曰月祭朔望加臘為二十五晉灼曰

漢儀注宗廟一歲十二祠五月嘗麥六月七月三伏立秋糈粢又嘗粢八月先夕饋殮皆一太牢耐祭用九太牢十月嘗稻又飲蒸二太牢十一月嘗十二月臘二太牢又每月一太牢如閏加一祀與此上十二為二十五



祠師古曰便殿歲四祠又月一游衣冠而昭靈后武哀

王昭哀后孝文太后孝昭太后衛思后戾太子戾后各

有寢園與諸帝合凡三十所一歲祠上食二萬四千四

百五十五用衛士四萬五千一百二十九人祝宰樂人

萬二千一百四十七人養犧牲卒不在數中韋元成傳

叔孫通言于惠帝曰古者有春嘗菓今櫻桃熟可獻願

陛下取櫻桃獻宗廟諸菓獻由此興叔孫通傳

高廟酎孝惠廟酎孝文廟酎景紀注云酎三重釀醇酒也味厚故以薦宗廟

孝景元年合諸侯王列侯使者侍祠天子所獻祖宗之

廟本紀

孝武元鼎五年列侯坐獻黃金酎祭宗廟不如法奪爵

者百六人本紀漢儀注云八月嘗酎會諸侯廟中出金助祭謂之酎金黃金也不如法者奪爵

宗廟羔菹霍光傳丞相擅減宗廟羔菹菹注云羔菹菹所以供祭也

孝宣地節四年襄隄侯聖坐酎金斤八兩少四兩免王子

侯表

五鳳四年朝節侯固城坐酎金少四兩免王子侯表

鄧侯蕭滕坐不齋酎為隸臣功臣表

衣冠出游



高帝寢衣冠月出游高廟叔孫通傳師古曰謂從高帝陵寢出衣冠游于高廟每月

一為之

自高祖下至宣帝與太上皇悼皇考各自居陵旁立廟

又園中各有寢便殿月一游衣冠韋元成傳

叔孫通言于惠帝願陛下作原廟渭北衣冠月出游之

叔孫通傳

元帝時議者以為清廟之詩言交神之禮無不清靜今

衣冠出游有車騎之眾風雨之氣非所謂清靜也韋元成傳

元朔三年蓼夷侯孔臧坐為太常衣冠道橋壞不得度

免功臣表師古曰游衣冠之道

禘祫

孝平元始五年正月祫祭明堂

應劭曰禮五年而再殷祭一禘一祫祫祭者毀

廟與未毀廟之主皆合食于太祖

諸侯王二十八人列侯百二十人宗

室子九百餘人召助祭禮畢皆益戶賜爵及金帛增秩

補吏各有差本紀臣天麟案後漢張純傳云漢舊制三年一祫毀廟主合食高廟有廟主未嘗合

祭元始五年諸侯王列侯廟會始為祫祭

祠孔子

高祖十二年行過魯以太牢祀孔子本紀



孔霸以初元元年為關內侯食邑霸上書求奉孔子祭

祀元帝下詔曰其令霸以所食邑八百戶祀孔子焉霸

還長安子福名數于魯福霸長子也霸前從名于長安今還其子名數于魯

奉夫子祀孔光傳

平帝元始元年封孔子後孔均為褒成侯奉其祀追諡

孔子曰褒成宣尼公本紀

禱旱

武帝元封二年旱乃禱萬里沙郊祀志

三年夏旱令天下尊祠靈星同上

昭帝始元六年夏旱大雩不得舉火本紀臣瓚曰抑陽助陰也

董仲舒為江都相治國以春秋災異之變推陰陽所以

錯行故求雨閉諸陽縱諸陰其止雨反是行之一國未

嘗不得所欲本傳

雜祭祀

高祖置祠祀官女巫其梁巫祠天地天社天水房中堂

上之屬晉巫祠五帝東君雲中君巫社巫祠族人炊之

屬秦巫祠社主巫保族纍之屬荆巫祠堂下巫先司命

施糜之屬九天巫祠九天皆以歲時祠宮中其河巫祠



河于臨晉而南山巫祠南山秦中秦中者秦二世皇帝

也各有時日郊祀志

武帝時求神君舍之上林中礪氏館神君者長陵女子

以乳死見神于先後宛若孟康曰兄弟妻相謂先後宛若字也師古曰先蘇見反古

謂之娣姒關中俗呼為娣姪宛若祠之其室民多往祠平原

君亦往祠其後子孫以尊顯及上即位則厚禮置祠之

內中聞其言不見人云是時李少君亦以祠竈穀道却

老方見上上尊之少君者故深澤侯人主方如淳曰侯家人主方

藥也匿其年及所生長常自謂七十能使物卻老其游以

方徧諸侯無妻子人聞其能使物及不死更餽遺之常

餘金錢衣食人皆以為不治產業而饒給又不知其何

所人愈信爭事之少君資好方善為巧發奇中嘗從武

安侯宴坐中有年九十餘老人少君乃言與其大父游


舛處老人為兒從其大父識其處一坐盡驚少君見上

上有故銅器問少君少君曰此器齊威公十年陳于栢

寢已而案其刻果齊威公器一宮盡駭以為少君神數

百歲人也少君言上祠竈皆可致物致物而丹沙可化

為黃金黃金成以為飲食器則益壽益壽而海中蓬萊





仙者迺可見之以封禪則不死黃帝是也臣嘗游海上見安期生食臣棗大如瓜安期生仙者通蓬萊中合則見人不合則隱于是天子始親祠竈遣方士入海求蓬萊安期生之屬而事化丹砂諸藥齊為黃金矣久之少君病死天子以為化去不死也使黃鍾史寬舒受其方而海上燕齊怪迂之方士多更來言神事矣

天子病鼎湖甚巫醫無所不致游水發根言

師古曰游水性也發

根名也

上郡有巫病而鬼下之上召置祠之甘泉及病使人問神君神君言曰天子無憂病病少瘳疆與我會甘

泉于是上病瘳遂起幸甘泉病良已大赦置壽宮神君神君最貴者曰太一其佐曰太禁司命之屬皆從之非可得而見聞其言言與人音等時去時來則風肅然居室帷中時晝言然常以夜天子被然後入因巫為主入關飲食所欲言行下又置壽宮北宮張羽旗設共具以禮神君神君所言上使受書其名曰畫法

孟康曰策畫之法也

其所言世俗之所知也無絕殊者而天子心獨憲其事秘世莫知也是時既滅兩粵粵人勇之乃言粵人俗鬼而其祠皆見



鬼數有效昔甌王敬鬼壽百六十歲後世怠慢故衰耗  
乃命粵巫立粵祝祠安臺無壇亦祠天神帝百鬼而以  
雞卜上信之粵祠雞卜自此始用

帝東巡海上考神仙之屬未有驗者方士言黃帝時爲  
五城十二樓以候神人于執期名曰迎年上許作之如  
方名曰明年上親禮祠上黃犢焉後至泰山修封東幸  
琅邪禮日成山登之采浮大海用事八神延年師古曰延年卽

上所謂迎年者

又祠神人于交門宮若有鄉坐拜者云其後方

士之候神入海求蓬萊者終無驗公孫卿猶以大人之  
迹爲解天子猶霸縻不絕幾遇其真諸所興如薄忌泰  
一及三一冥羊馬行赤星五牀寬舒之祠宮以歲時致  
禮凡六祠皆大祝領之至如八神諸明年凡山它名祠  
行過則祠去則已方士所興祠各自主其人終則已祠  
官不主它祠皆如故

宣帝時南郡獲白虎獻其皮牙爪上爲立祠又以方士  
言爲隨侯劍寶玉寶璧周康寶鼎立四祠于未央宮中  
又祠太室山于卽墨三戶山于下密祠天封苑火井于  
鴻門又立歲星辰星太白熒惑南斗祠于長安城旁又



祠三山八神于曲城蓬山石社石鼓于臨朐之朶山于  
雕成山于不夜萊山于黃成山祠日萊山祠月又祠四  
時于琅邪蚩尤于壽良京師近縣鄆則有勞谷五牀山  
日月五帝僊人玉女祠雲陽有徑路神祠祭休屠王也  
又立五龍山僊人祠及黃帝天神帝原水凡四祠于膚  
施或言益州有金馬碧雞之神可醮祭而致于是遣諫  
大夫王褒使持節而求之大夫劉更生獻淮南枕中洪  
寶苑秘之方合上方鑄作事不驗更生坐論京兆尹張  
敞上疏諫曰願明王時忘車馬之好斥遠方士之虛語  
屏心帝王之術太平庶幾可興也後尙方待詔皆罷

成帝建始二年匡衡張譚條奏長安厨官縣官給祠郡  
國侯神方士使者所祠凡六百八十三所其二百八所  
應禮及疑無明文可奉祠如故其餘四百七十五所不  
應禮或復重請皆罷奏可本雍舊祠二百三所惟山川  
諸星十五所爲應禮云若諸布諸嚴諸逐皆罷社主有  
五祠置其一又罷高祖所立梁晉秦荆巫九天南山萊  
中之屬及孝文渭陽孝武薄忌泰一三一黃帝冥羊馬  
行泰一臯山山君武夷夏后啟毋石萬里沙八神延年



之屬及孝宣參山蓬山之采成山萊山四時虫尤勞谷  
五牀仙人玉女徑路黃帝天神原水之屬皆罷侯神方  
士使者副佐本草待詔七十餘人皆歸家郊祀志  
哀帝卽位寢疾博延方術士京師諸縣皆有侍祠者盡  
復前世所常興神祠官凡七百餘所一歲三萬七千祠

云以上俱郊祀志

平帝元始元年禁淫祀本紀

### 幣玉

文帝十四年詔廣諸祀壇場珪幣河湫漢水玉各加二

郊祀志

武帝郊見泰一有司奉瑄玉嘉牲薦饗

同上孟康曰璧大六寸謂之瑄

天漢三年幸北地祠常山瘞元玉本紀

### 牲牢

高祖祠豐枌榆社以羊彘

八年令天下立靈星祠常以歲時祠以牛

十年有司請合縣祠稷以羊彘

孝文十六年用新垣平初起渭陽五帝廟祭泰一地祇  
以太祖高皇帝配日冬至祠泰一夏至祠地祇皆併祠



五帝而共一牲

文帝立長門五帝壇祠以五牢

武帝祠泰一日一太牢七日

師古曰每日以一太牢凡七日祭也

解祠黃帝用一梟破鏡冥羊用羊祠馬行用一青牡馬  
泰一臯山山君用牛武夷君用乾魚陰陽使者以一牛  
郊雍獲一角獸以薦五時時加一牛

元鼎四年祠后土五壇壇一黃犢牢具已祠盡瘞

五年郊泰一泰一所用如雍一疇物而加醴棗脯之屬  
殺一羴牛以爲俎豆牢具而五帝獨有俎豆醴進其下  
四方地爲噉食羣臣從者及北斗云已祠昨餘皆燎之  
其牛色白白鹿居其中彘在鹿中鹿中水而酒之祭日  
以牛祭月以羊彘特

太初二年有司言雍五時無牢孰具芬芳不備乃合祠  
官進時犢牢具色食所賧而以木寓馬代駒云及諸名  
山川用駒者悉以木寓馬代獨行過親祠乃用駒

平帝元始五年王莽奏復長安南北郊莽又頗改其祭  
禮曰天墜位皆南鄉同席墜在東其牢而食高帝高后  
配于壇上西鄉后在北亦同席其牢牲用繭栗元酒陶



匏禮記曰天子藉田千畝以事天墜繇是言之宜有黍

稷天地用牲一燔祭蕤用牲一高帝高后用牲一天用

牲左及黍稷燔祭南郊墜用牲右及黍稷瘞于北郊並

祀志水衡為宗廟取牲官龔遂傳

鄒侯爨布子賁坐為太常犧不如令國除爨布傳按功臣表云坐雍

犧牲不如令免

蕭何之後壽成坐為太常犧牲瘦免

功臣表與傳同百官表云坐犧在百

令如

石德坐廟牲瘦贖論

百官表

車輅

文帝十四年詔增雍五時路車各一乘駕被具西時畦

時寓車各一乘寓馬四巨駕被具

郊祀志

祭服

文帝郊見五時祠衣皆上赤

郊祀志案是時雖尚水德以有赤帝子之符故祠衣

上赤

武帝祠后土衣上黃

郊祀志案黃者土之色也

泰一祝宰衣紫及繡五帝各如其色日赤月白

同上

受釐



文帝受釐坐宣室賈誼傳應邵曰釐祭餘肉也師古曰釐福也受神之福也

巫祝

太常屬官有太祝合丞景帝中六年更名太祝為祠祀

武帝太初元年更曰廟祀百官表

高祖卽位置祠祀官則有秦晉梁荆之巫高帝贊詳見上祭祀條

文帝十三年詔曰秘祝之官移過于下朕甚勿取其除

之郊祀志

十四年詔曰祠官祝釐皆歸福于朕躬不為百姓朕甚

媿之其令祠官致敬無有所祈本紀

尊寶鼎

文帝後元年新垣平言曰周鼎亡在泗水中今河決通

于泗臣望東北汾陰直有金寶氣意周鼎其出乎兆見

不迎則不至于是上使使治廟汾陰南臨河欲祠出周

鼎人有上書告平所言皆詐也下吏治誅夷平郊祀志

武帝元鼎四年夏六月汾陰巫錦為民魏雕后土營旁

見地如鉤狀掇視得鼎鼎大異于眾鼎文鏤無欸識怪

之言吏告河東太守滕滕以聞天子使驗問巫得鼎

無姦詐乃以禮祠迎鼎至甘泉從上行薦之至中山晏



西漢書要 卷十四  
溫有黃雲焉有鹿過上自射之因之以祭云至長安公卿大夫皆尊寶鼎天子曰間者河溢歲數不登故巡祭后土祈爲百姓育穀今年豐楙未報鼎曷爲出哉有司皆言聞昔泰帝興神鼎一一者一統天地萬物所繫象也黃帝作寶鼎三象天地人禹收九牧之金鑄九鼎象九州皆嘗飭亨上帝鬼神其空足曰鬲以象三德饗承天祐夏德衰鼎遷于殷殷德衰鼎遷于周周德衰鼎遷于秦秦德衰宋之社亡鼎乃淪伏而不見周頌曰白堂徂基自羊徂牛鼯鼎及鼯不吳不敖胡考之休今鼎至甘泉以光潤龍變承休無疆合茲中山有黃白雲降蓋若獸爲符路弓乘矢集獲壇下報祠大亨惟受命而帝者心知其意而合德焉鼎宜視宗禰廟臧于帝庭以合明應制曰可同上

汾陰得寶鼎武帝嘉之薦見宗廟藏于甘泉宮羣臣皆上壽賀曰陛下得周鼎壽王獨曰非周鼎上聞之召而問之今朕得周鼎羣臣皆以爲然壽王獨以爲非何也有說則可無說則死壽王對曰臣安敢無說臣聞周德始乎后稷長于公劉大于太王成于文武顯于周公德




澤上昭天下漏泉無所不通上天報應鼎爲周出故名  
曰周鼎今漢自高祖繼周亦昭德顯行布恩施惠六合  
和同至于陛下恢廓祖業功德愈盛天瑞並至珍祥畢  
見昔秦始皇親出鼎于彭城而不能得天祚有德而寶  
鼎自出此天之所以與漢乃漢寶非周寶也上曰善羣  
臣皆稱萬歲是日賜壽王黃金十斤

吾邱壽王傳

宣帝時美陽得鼎獻之下有司議多以爲宜薦見宗廟  
如元鼎時故事張敞好古文字按鼎銘勒而上議曰臣  
聞周祖始乎后稷后稷封于豷公劉發迹于豳大王建  
國于邠梁文武興于鄴鎬由此言之則邠梁鄴鄙之間  
周舊居也固宜有宗廟壇場祭祀之臧今鼎出于邠東  
中有刻書曰王命尸臣官此邠邑賜爾旂鸞黼黻琫戈  
尸臣拜手稽首曰敢對揚天子丕顯休命臣愚不足以  
迹古文竊以傳託言之此鼎殆周之所以褒賜大臣大  
臣子孫刻銘其先功藏之于宮廟也昔寶鼎之出于汾  
隰也河東太守以聞詔曰朕巡察后土祈爲百姓蒙豐  
年今穀暉未報鼎焉爲出哉博問耆老意舊臧與誠欲  
考得事實也有司驗隰上非舊臧處鼎大八尺一寸高



三尺許寸殊異于眾鼎今此鼎細小又有款識不<sub>志</sub>薦  
見于宗廟制曰京兆尹議是郊祀



天保甲午

